



6 qhov uas yuav cuam tshuam tau rau cov kev pab nyob hauv kev kawm ntawv tus kheej: Qhov yuav tau xyuas muaj cuab kav ua tus yuam sij rau txoj kev kawm ntawv mus

(Six Areas that May Affect Individualized Education Program (IEP) Services: Special factors can be the key to meaningful educational progress - Hmong version)

Muaj 6 qhov yuav tau xyuas rau txoj kev kawm ntawv ntawm cov me nyuam muaj qhov tsis taus

- Tus cwj pwm coj
- Txawj lus As kiv tsis txaus
- Qhov tsis pom kev
- Kev sib txuas lus tsis tau*
- Kev xib txuas lus thiab hais lus tsis tau ntawm cov kawm ntawv lag ntseg los yog tsis hnov lus zoo
- Cov twj pab thiab cov kev pab ntawm cov twj*

Thaum koj tus me nyuam tau txoj kev kawm ntawv tshwj xeeb raws li tau txheeb xyuas thiab ntsuam xyuas los, pab neeg npaj txoj kev kawm ntawv tus kheej rau koj tus me nyuam yuav tsum los npaj, los yog tig xyuas thiab hloov kho tsab IEP txhua xyoo. Txoj kev kawm ntawv tus kheej yuav ua rau koj tus me nyuam mus koom tau thiab kawm tau cov ntawv qhia rau ib tsoom, thiab kawm tau ntawv raws li qhov xav tau vim muaj qhov tsis taus. **Ib feem ntawm kev npaj txoj kev kawm ntawv tus kheej txhua xyoo** yuav tsum “**xam xyuas qhov yuav tau xyuas**” li “Tsab cai hais txog kev kawm ntawv ntawm cov tib neeg muaj qhov tsis taus (tsab cai IDEA) hais nyob hauv tshooj 300.324 (a)(2)) vim txoj kev sib sab laj li no thiaj yuav muaj tau cov kev pab los yog cov kev pab txhawb tawm los. Koj muaj cuab kav mus nyeem tsab cai nyob ntawm <https://sites.ed.gov/idea/regs/b/d/300.324/a/2>. Kev tshawb fawb yeej tau qhia tias cov me nyuam muaj qhov tsis taus yeej kawm tau ntawv mus thaum muaj cov kev qhia ntawv, cov kev pab, los yog cov kev pab txhawb raug raws li qhov lawv yuav kawm tau.

Daim ntawv qhia tawm no yuav:

- Qhia qhov yuav tau xyuas
- Tham tias pab neeg npaj txoj kev kawm ntawv tus kheej yuav siv qhov yuav tau xyuas no li cas nyob hauv txoj kev npaj kev kawm ntawv tus kheej
- Muab tau cov lus nug uas cov niam txiv yuav nug tau pab neeg npaj kev kawm no txog qhov yuav tau xyuas thiab lawv tus me nyuam
- Pab cov niam txiv to taub tias yog vim li cas qhov yuav tau xyuas no yuav yog tus yuam sij los pab lawv tus me nyuam kawm tau ntawv mus raws li yuav kawm tau

Qee koog tsev kawm ntawv muaj cov ntawv IEP uas yuav teev muaj qhov yuav tau xyuas no nrog. Hauv lwm koog tsev kawm ntawv, tsab ntawv IEP tsuas teev txog qhov yuav tau xyuas no thaum muaj kev sib tham tau hais tias kom muaj ib qho kev pab los yog kev pab txhawb xwb. Txawm yog qhov twg los xij, kev sib tham txog qhov yuav tau xyuas no yuav tsum muaj txhua xyoo. Cov niam txiv muaj cuab kav muab qhov yuav tau xyuas no koj los sib tham yog tias cov ua hauj lwm hauv tsev kawm ntawv tsis muab coj los hais.

*Thov paub tias kev txuas lus tsis tau thiab cov kev pab ntawm cov twj pab txhawb yog qhov tseem ceeb uas yuav tau muab coj los xam xyuas rau cov me nyuam muaj tsab IEP, tsis hais yuav yog qhov tsis taus hom twg.

Qhov cov niam txiv yuav tau los saib qhov yuav tau xyuas no txhua qhov mas yog ib qho tseem ceeb kawg li. Qhov piv txwv thiab cov lus nug li no tsis muaj hais nyob hauv tsab cai. Tsuas muab hais hauv no los pab kom cov niam txiv to taub tias pab neeg npaj kev kawm yuav siv qhov yuav tau xyuas no li cas. Cov niam txiv yuav tau tig xyuas qhov yuav tau xyuas no txhua qhov thiab sau cia qhov pab neeg npaj kev kawm no los teb cov lus nug los txheeb xyuas tias yuav muab qhov yuav tau xyuas no coj los txheeb xyuas rau lawv tus me nyuam li cas tiag. Tej zaum kuj tseem yuav tau muaj kev twv ntawv ntxiv los txheeb kom meej ntxiv txog qhov tus me nyuam xav tau ua ntej yuav teb cov lus nug. Ua raws li “txoj kev xam xyuas,” li no thiaj li yuav muab tau cov kev pab thiab cov pab txhawb coj los ntxiv rau tus me nyuam tsab IEP.

Tus cwj pwm coj

Tus me nyuam puas muaj ib los yog ob peb qho cwj pwm uas ua rau nws txoj kev kawm mus tsis tau zoo? Koj tus me nyuam puas muaj ib tug cwj pwm coj uas ua rau cov nrog nws kawm ntawd kawm tsis tau ntawv zoo? Yog qhov lus teb rau cov lus nug hais los no tias “muaj,” ces tus me nyuam pab neeg npaj kev kawm yuav tsum xam xyuas qhov yuav tau xyuas no. Pab neeg no yuav:

1. Txheeb xyuas tus cwj pwm coj uas cuam tshuam koj tus me nyuam los yog lwm tus txoj kev kawm kom meej meej. Tej zaum yuav tau muaj kev txheeb xyuas tus cwj pwm coj los txheeb xyuas tus cwj pwm pom muaj no. Txheeb xyuas tus cwj pwm coj li no yuav muaj qhov to taub txog qhov ua tawm los yog lub hom phiaj ntawm tus cwj pwm coj no.
2. Xam xyuas seb txoj kev pab txhawb tus cwj pwm coj twg los yog cov kev txhawb twg uas yuav siv tau los tswj tau tus cwj pwm coj. Cov niam txiv puas pom tus cwj pwm no nyob hauv vaj hauv tsev thiab? Cov niam txiv puas muaj cov tswv yim los tswj tau tus cwj pwm no?
3. Xam xyuas lwm cov tswv yim los pab tus cwj pwm no kom coj tau zoo mus.

Piv txwv tias, tus kawm ntawv muaj ib tug cwj pwm coj ua suab sab nyob hauv chav kawm. Qhov coj li no cuam tshuam txoj kev kawm ntawm tus me nyuam los yog cov nrog nws kawm. Kev ntsuam xyuas tus me nyuam tau qhia tias tus me nyuam qw vim yog nws muaj teeb meem txog txoj kev hloov kawm ib qho mus rau lwm qhov vim nws muaj qhov autism. Pab neeg npaj kev kawm txheeb tau ntau lub tswv yim los pab txhawb thiab pab tus cwj pwm coj kom zoo mus, xws li muab phaj tshab thiab muab cov kev kawm teev txhua hnuv. Cov kev txhawb nqa no tau muaj sau nyob hauv tsab IEP kem hais txog “cov kev pab ntxiv rau” thiab “kem teev “cov kev pab los yog kev yoog tau.”

Kej txawj lus As kiv tsis txaus

Yog koj tus me nyuam muaj tsab IEP thiab tseem txawj lus as kiv tsis txaus, pab neeg npaj kev kawm yuav tsum xam xyuas qhov txawj tsis txaus tias yuav cuam tshuam li cas rau txoj kev kawm tau ntawv thiab kev mus kawm tau cov ntawv qhia rau ib tsoom.

Piv txwv li, yog ib tug me nyuam muaj tsab IEP muaj kev kawm tsis tau ntawv thiab tus me nyuam thawj hom lus yog lus Hmoob, pab neeg npaj kev kawm yuav tau xam xyuas tias lawv yuav muab cov kev pab hauv kev kawm ntawv tshwj xeeb los pab li cas. Tej zaum tus me nyuam yuav tau kawm lus As kiv li hom lus ob los yog yuav tau muaj tus txhais lus rau lub sij hawm qhia ntawv tshwj xeeb. Txawm pab neeg npaj kev kawm txiav txim siab muab dab tsi los yuav tau muab teev rau hauv tsab IEP.

Qhov tsis pom kev

Qhov yuav tau xyuas no hais txog kev qhia ntawv rau ib tug me nyuam uas dig muag los yog tsis tshua pom kev tias yuav siv cov ntawv ua pob (Braille) li cas. Qhov no yeej xav tias tus me nyuam no yuav tsum tau kev qhia ntawv ua pob thiab yuav siv tau li cas, tsuas yog thaum kev ntsuam xyuas tau txheeb pom meej tias ntawv ua pob tsis yog qhov zoo rau tus me nyuam rau tam sim no los yog yav tom ntej. Kev tshawb fawb uas nyuam qhuav hais tawm tsis ntev los no qhia tau tias cov tib neeg tsis pom kev uas txawj siv cov ntawv pob no tau hauj lwm ua ntau tshaj li cov tsis kawm cov ntawv pob no. Kuj muaj ntau txoj kev tshiab los qhia cov ntawv pob kom kawm tau sai li sai tau.

Qhov xav tau los pab kev txuas lus

Kev txuas lus yuav yog ib qhov tseem ceeb rau cov me nyuam uas muaj ntau qhov kev tsis taus. Rab peev xwm txuas lus uas ib tug xav tau thiab xav muaj, thiab koom tau nrog lwm tus kuj yog ib cov txuj tseem ceeb nyob hauv tsev kawm ntawv thiab nyob hauv lub neej. Rau cov kawm ntawv uas qhov tsis taus ntawd ua rau lawv tsis txawj txuas lus nrog lwm tus, qhia tsis tau qhov lawv xav tau los to taub qhov paus ntsis ntawm txoj kev txawj txuas lus, thiab hais tsis tau nrog lwm tus ntawd, qhov kev pab txhawb twg yuav pab tus me nyuam kawm kom txawj txuas tau.

Piv txwv li, puas yog tus me nyuam uas muaj qhov kev lwj siab yuav tsis tshua nyiam hais lus vim muaj kev txob txhawj? Puas yog tus me nyuam uas muaj qhov autism tsis to taub qhov nws ua tawm yam tsis tas hais lo lus? Puas yog tus me nyuam uas hais lus tsis meej xav kawm kom hais tau cov lus meej kom lwm tus thiaj to taub qhov nws hais? Yog tias cov lus teb rau cov lus nug hais tiag “yog” ces qhov no taw qhia tias yuav tau muaj cov kev qhia tshwj xeeb los yog kev pab txhawb uas yuav tau muab teev rau hauv tus me nyuam tsab IEP los pab rau nws.

Lag ntseg los yog tsis hnov lus zoo

Cov me nyuam uas lag ntseg los yog tsis hnov lus zoo muaj ntau qhov xav tau kev pab. Tej kev xav tau los pab no yuav muaj ntau yam rau pab neeg npaj kev kawm los xam xyuas:

- Qhov xav tau ntawm cov lus hais thiab kev txuas lus
- Cov tsam thawj los txuas lus nrog cov loj sib luag thiab cov kws txuj raws li qhov lus tus me nyuam paub los yog hom lus nws txawj
- Tus me nyuam qib kawm tau ntawv
- Qhov xav tau txua yam, nrog rau cov tsam thawj muab txoj kev qhia ntawv raws li tus me nyuam paub thiab txawj

Cov lus nug rau pab neeg npaj kev kawm yuav tau los xam xyuas yog: Tus me nyuam cov lus los yog txawj ua yog dab tsi? Puas yog txawj siv cov lus pob los yog lus As kiv? Cov loj sib luag li nws yog cov twg thiab lawv siv cov lus twg? Nws tus kws qhia ntawv siv hom lus twg? Cov lus teb rau cov lus nug yuav yog qhov yuav tau muab los npaj tsab IEP thiab yuav yog qhov los xaiv qhov chaw kawm rau cov me nyuam zoo li no.

Cov twj pab txhawb thiab cov kev pab (Assistive technology devices and services)

Ib qho twj pab txhawb yog ib qho coj los siv pab tus me nyuam kom txawj ua tau ntxiv, ceev tau, los yog txhawb nws cov kev txawj ua tes dej num. Ib qho twj pab txhawb yog ib txoj kev pab los txhawb ncaj qha rau tus me nyuam kom nws paub xaiv, yuav tau los yog siv tau qhov twj pab txhawb.

Yuav tau muab cov twj no coj los xam xyuas rau txhua tus me nyuam muaj tsab IEP. Cov lus nug rau pab neeg npaj kev kawm yog: Puas yog tus me nyuam no xav tau cov twj pab txhawb thiab cov kev pab thiaj li yuav tau txais txiag ntsig los ntawm cov kev pab hauv kev kawm ntawv tshwj xeeb, nrog rau kev mus kawm ntawv nrog ib tsoom (Restrictive Environment)? Puas yog cov kev pab los yog cov twj no yuav pab kom tus me nyuam muaj tau, tuav tau los yog txhawb tau nws rab peev xwm kawm tau thiab koom tau nyob hauv tsev kawm ntawv? Yog lo lus teb tias “yog” rau cov lus nug no, pab neeg npaj kev kawm yuav tsum muab kev ntsuam xyuas saib seb cov twj thiab cov kev pab twg yuav yog qhov pab tau tiag. Yuav tau muab txoj kev npaj los ntsuam xyuas no sau cia ua kev pab nyob hauv tsab IEP rau nws sim cov twj pab txhawb los yog sau rau hauv txoj kev npaj los ntsuam xyuas.

Cov twj siv uas muaj cuab kav ua tau li tus yuam sij rau txoj kev kawm thiab kev nyob tus kheej rau cov me nyuam muaj qhov tsis taus. Piv txwv li:

- Qhov twj pab txhawb twg yuav pab tau tus kawm ntawv los koom tau nyob hauv chaw kawm ntawv nrog sawv daws

- Lub moo uas muaj lub suab nrov los yog qhov tshee los qhia yuav qhia tau lub sij hawm rau tus me nyuam paub tias txog caij noj tshuj lawm
- Tus cwj mem kaw lus muaj cuab kav pab tau tus kawm ntawv tus kheej kaw tau cov ntawv kawm nqa los ua hauv tsev rau hnuv ntawd
- Kuj muaj qhov pab nriav (App) txawm peem uas yuav txhawb tau tus me nyuam cov peev xwm ua tau xws li muaj qhov nyeem phau ntawv nrov nrov uas yog siv lub hlwb hlau (computer) los muab cov ntawv hais lus rau mloog

PACER qhov chaw txhawb cov twj pab txhawb muaj ntau cov xov thiab cov kev pab cuam rau cov niam cov txiv thiab cov kawm ntawv muaj qhov tsis taus. Mus saib kom paub ntau ntxiv rau [PACER.org/STC](https://www.pacer.org/stc) los yog hu rau tus xov tooj (952) 838-9000.

Daim ntawv qhia tawm qhov yuav tau xyuas no yuav pab koj mus koom tau lub rooj sib tham npaj kev kawm ntawv. Yog koj muaj lus nug txog qhov yuav tau xyuas no tias yuav pab tau koj tus me nyuam li cas, nrog tus tuav ntaub ntawv rau koj tus me nyuam (your child's IEP manager) sib tham los yog hu rau PACER thiab nrog ib tug thoob tswv yim tham tau.